

UGOVOR o isporuci roba

I UGOVORNE STRANE

Arhitektonski fakultet u Sarajevu

Sjedište: Patriotske lige broj 30, 71000 Sarajevo

Koje zastupa dekan prof.mr. Mevludin Zečević

Identifikacijski broj: 4200192800009

(u daljem tekstu: Kupac)

i

R&S d.o.o. Sarajevo

Sjedište: Igmanska bb, 71320 Vogošća

Kojeg zastupa direktor Kemal Selmanagić

Identifikacijski broj: 4200056290005

Identifikacijski broj obveznika PDV-a: 200056290005

Transakcijski broj banke, ime i sjedište banke: 3389002208510172 Unicredit Bank Sarajevo

(u daljem tekstu: Prodavac)

II PREDMET UGOVORA

Član 1.

Predmet ovog Ugovora je nabavka kancelarijskog materijala, prema Tenderskoj dokumentaciji Kupca i Ponudi Prodavca, broj 17116 od 09.11.2017. godine, koji su u prilogu ovog Ugovora i čine njegov sastavni dio.

Član 2.

Predmet ugovora obuhvata nabavku i sukcesivnu isporuku kancelarijskog materijala prema potrebama i tehničkim zahtjevima Kupca koji su precizirani u TD.

III OBAVEZE PRODAVCA

Član 3.

Prodavac je naročito dužan:

- da isporučenu robu, koja nije u skladu sa traženom, koja ima oštećenja ili vidljive nedostatke ili odstupa od tražene, zamijeni ispravnom u roku od tri dana od dana prijema reklamacije Kupca;
- da isporuku predmeta ugovora izvrši na adresu sjedišta Naručioca u roku od pet radnih dana od dana narudžbe;
- da vrši sukcesivnu / kontinuiranu isporuku robe koja je odobrena od strane Kupca u toku provedbe predmetne javne nabavke;
- robu isporučiti u originalnom pakovanju, propisno upakovanu, kako bi se smanjila mogućnost oštećenja prilikom transporta;
- osigura deklaraciju na svakom pojedinačnom pakovanju (komadu) isporučene robe koja će biti ovjerena od strane Prodavca.

Član 4.

Za koordinaciju operativnih aktivnosti na realizaciji ovog ugovora, na način i u ugovorenim rokovima, imenuju se:

- za Kupca: Murat Sijamić, tel. 033/226-530;
- za Prodavca: Somun Indira, tel. 033/476-383.

IV CIJENA I NAČIN PLAĆANJA

Član 5.

(1) Ugovor se zaključuje u iznosu od 8.188,08 KM (osamhiljadajednastotinaosamdesetosam i 08/100 konvertibilnihmaraka) sa uključenim PDV-om, odnosno 6.998,36 KM (šesthiljadadevetstotinadevedesetosam i 36/100 konvertibilnihmaraka) bez uključenog PDV-a.

(2) Roba iz člana 1. ovog Ugovora će se plaćati prema utvrđenim jediničnim cijenama iz Ponude Prodavca broj 17116 od 09.11.2017. godine, koje se neće mijenjati tokom ugovornog perioda.

Član 6.

(1) Kupac će izvršiti plaćanje najkasnije 30 dana od prijema fakture Prodavca.

(2) Prodavac će izvršiti ispostavljanje faktura po sukcesivnoj isporuci predmetnih roba a prema isporučenoj količini i jediničnim cijenama preciziranim u ponudi Prodavca.

Član 7.

O eventualnim nedostacima u količini i kvalitetu predmetne nabavke Kupac će Prodavca izvijestiti odmah, a najkasnije u roku od sedam dana od dana isporuke.

V STUPANJE NA SNAGU I RJEŠAVANJE SPOROVA

Član 8.

(1) Ovaj Ugovor stupa na snagu danom obostranog potpisivanja od strane ovlaštenih lica ugovornih strana i zaključuje se na period od 12 mjeseci.

(2) Kupac će predmet Ugovora iz člana 1. ovog ugovora nabavljati zavisno od svojih potreba za vrijeme trajanja ovog Ugovora.

(3) Ukoliko Prodavac u odgovarajućem roku i na ugovoren način ne bude izvršio ugovorene obaveze, dužan je za svaki propust i/ili započeti dan kašnjenja isplatiti Kupcu iznos od 50,00 KM, a najviše do 10% od ukupno ugovorenog iznosa.

Član 9.

Svaka ugovorna strana može pokrenuti postupak raskida ugovora ako druga strana ne izvršava preuzete utvrđene obaveze, uz otkazni rok od 15 dana.

Član 10.

Eventualno nastale sporove pri realizaciji ovog ugovora, ugovorne strane će rješavati mirnim putem, u protivnom ugovara se nadležnost suda opće stvarne nadležnosti u Sarajevu.

VI OSTALE ODREDBE

Član 11.

Prodavac nema pravo, u svrhu izvršenja ovog Ugovora, da zapošljava fizičke ili pravne osobe koje su bile uključene u pripremu zahtjeva za dostavljanje ponuda, ili su bile u svojstvu članova Komisije za javne nabavke, najmanje šest mjeseci po stupanju na snagu istog.

Član 12.

Za sve što nije regulirano ovim ugovorom primjenjivaće se odredbe propisa o obligacionim odnosima u Bosni i Hercegovini.

Član 13.

Punovažne i obavezujuće su samo one izmjene i dopune ovog ugovora koje su ugovorne strane sačinile sporazumno i u pisanoj formi.

Član 14.

Ovaj Ugovor je sačinjen u 4 (četiri) istovjetna primjerka od kojih svaka ugovorna strana zadržava po 2 (dva) primjerka.

Za Prodavca

Kemal Selmanagić, direktor



Datum: 21.11. 2017. godine

Broj: 725/2017

Za Kupca



Prof. mr. Mevludin Zečević,
dekan Arhitektonskog fakulteta u Sarajevu

Datum: 17.11. 2017. godine

Broj: 05-41/124-17.